



ა(ა)იპ "საქართველოს საპატრიარქოს
წმიდა ანდრია პირველწოდებულის სახელობის ქართული უნივერსიტეტი"

საქართველო, ქ. თბილისი 0179, ილ. ჭავჭავაძის გამზ. 53ა, ტელ./ფაქსი 225-82-43, ს/კ 205233022, www.sangu.edu.ge

№ _____

19 07 2019 წ.

ა(ა)იპ - საქართველოს საპატრიარქოს
წმიდა ანდრია პირველწოდებულის სახელობის ქართული უნივერსიტეტის რექტორის

ბ რ ძ ა ნ ე ბ ა № 273-ს

ქ . თ ბ ი ლ ი ს ი

ა(ა)იპ - საქართველოს საპატრიარქოს წმიდა ანდრია პირველწოდებულის სახელობის
ქართულ უნივერსიტეტში 2019 - 2020 სასწავლო წლის შემოდგომის სემესტრში მობილობის
ვაკანსიებისა და ადმინისტრირების ვადების განსაზღვრის შესახებ

საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანებით დამტკიცებული „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესის“ მე-9 მუხლის, სსიპ - განათლების მართვის საინფორმაციო სისტემის (შემდგომში - მართვის სისტემა) უფროსის 2019 წლის 17 ივლისის №1.1/90 ბრძანების „2019 -2020 სასწავლო წლის შემოდგომის სემესტრში, უმაღლესი საგანმანათლებლო დაწესებულების სტუდენტის ერთი დაწესებულებიდან სხვა დაწესებულებაში გადასვლის (მობილობის) პროცესის ადმინისტრირებასთან დაკავშირებული ვადების განსაზღვრის შესახებ“, ა(ა)იპ - საქართველოს საპატრიარქოს წმიდა ანდრია პირველწოდებულის სახელობის ქართული უნივერსიტეტის (შემდგომში - უნივერსიტეტი) წესდების მე-6 მუხლის მე-2 პუნქტის „დ“ ქვეპუნქტის, უნივერსიტეტის „სასწავლო პროცესის მარეგულირებელი წესის“ მე-20 მუხლის, ჰუმანიტარულ მეცნიერებათა და სამართლის (N1/32, 10.01.2019), ბიზნესის, კომპიუტინგისა და სოციალურ მეცნიერებათა (N1/2035, 18.07.2019) სკოლების დეკანების მოხსენებითი ბარათების საფუძველზე,

ვბრძანებ:

1. გამოცხადდეს ვაკანსიები მობილობისთვის 2019 – 2020 სასწავლო წლის შემოდგომის სემესტრში დანართი N1-ის შესაბამისად.
2. განისაზღვროს ვადები 2019 – 2020 სასწავლო წლის შემოდგომის სემესტრში მობილობის პროცესის ადმინისტრირებისთვის დანართი N2-ის შესაბამისად.
3. დადგინდეს მობილობის წესით გადმოსვლის მსურველთა მიერ წარმოსადგენი დოკუმენტების ნუსხა დანართი N3-ის შესაბამისად.
4. უნივერსიტეტის მიერ მობილობისთვის განსაზღვრული ვაკანტური ადგილების რაოდენობის მართვის სისტემაში წარდგენა მოხდეს არაუგვიანეს 2019 წლის 25 ივლისის 18⁰⁰ საათისა.

5. დაევალოს საზოგადოებასთან და საერთაშორისო ურთიერთობების სამსახურს ბრძანების განთავსება უნივერსიტეტის ვებ-გვერდზე და საინფორმაციო დაფაზე.

6. ბრძანება გასაცნობად დაეგზავნოთ: ხარისხის უზრუნველყოფისა და სტრატეგიული განვითარების სამსახურს; სასწავლო პროცესის რეგულირებისა და სტუდენტთა მომსახურების სამმართველოს; ჰუმანიტარულ მეცნიერებათა და სამართლის, ბიზნესის, კომპიუტინგისა და სოციალურ მეცნიერებათა სკოლების დეკანატებს; ენების ცენტრს.

7. ბრძანება შეიძლება გასაჩივრდეს საქართველოს კანონმდებლობით დადგენილი წესით გაცნობიდან ერთი თვის ვადაში ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი, მე-12 კმ, №6).

8. ბრძანება ძალაშია ხელმოწერისთანავე.

რექტორი, პროფესორი



სერგო ვარდოსანიძე

2019 – 2020 სასწავლო წლის შემოდგომის სემესტრში მობილობის წესით ჩასარიცხი სტუდენტების ვაკანტური ადგილები:

1. ჰუმანიტარულ მეცნიერებათა და სამართლის სკოლაში
 - ა) საბაკალავრო საგანმანათლებლო პროგრამებზე:
 - ა.ა) სამართალი - 20 ადგილი;
 - ა.ბ) საერთაშორისო ურთიერთობები და რეგიონალური პროცესები - 20 ადგილი;
 - ა.გ) ისტორია - 10 ადგილი;
 - ა.დ) ქართული ფილოლოგია - 10 ადგილი;
 - ბ) სამაგისტრო საგანმანათლებლო პროგრამებზე
 - ბ.ა) სამართალი - 10 ადგილი;
 - ბ.ბ) საჯარო მმართველობა - 10 ადგილი;
2. ბიზნესის, კომპიუტინგისა და სოციალურ მეცნიერებათა სკოლაში
 - ა) საბაკალავრო საგანმანათლებლო პროგრამებზე:
 - ა.ა) ბიზნესის ადმინისტრირება - 12 ადგილი;
 - ა.ბ) ტურიზმის ბიზნესი - 10 ადგილი;
 - ა.გ) ეკონომიკა - 10 ადგილი;
 - ა.დ) ფსიქოლოგია - 12 ადგილი;
 - ა.ე) კომპიუტერული მეცნიერება - 16 ადგილი;
 - ბ) სამაგისტრო საგანმანათლებლო პროგრამებზე:
 - ბ.ა) ბიზნესის ადმინისტრირება - 9 ადგილი;
 - ბ.ბ) ეკონომიკა - 8 ადგილი.
 - ბ.გ) სოციალური და განწყობის ფსიქოლოგია - 10 ადგილი.
 - ბ.დ) ფსიქოდიაგნოსტიკა და კონსულტირება - 3 ადგილი.

შენიშვნა: სწავლის წლიური საფასური ყველა საგანმანათლებლო პროგრამაზე, გარდა სამართლის და საჯარო მმართველობის სამაგისტრო საგანმანათლებლო პროგრამებისა შეადგენს **2250 ლარს**, ხოლო სამაგისტრო საგანმანათლებლო პროგრამებზე:

- ა) სამართალი - **2450 ლარს**;
- ბ) საჯარო მმართველობა - **2350 ლარს**.

2019 – 2020 სასწავლო წლის შემოდგომის სემესტრში მობილობის პროცესის ადმინისტრირების ვადები:

ა) მობილობის წესით ჩარიცხვის მსურველთა რეგისტრაცია (საბუთების მიღება) - 2019 წლის 26 აგვისტო - 9 სექტემბერი;

ბ) კრედიტების აღიარებისა და გასაუბრების კომისიების მუშაობა და დასკვნების მომზადება - 2019 წლის 27 აგვისტო - 10 სექტემბერი;

გ) სტუდენტების ინფორმირება აღიარებული კრედიტების თაობაზე და მათი თანხმობის/უარის წერილობითი დადასტურება - 2019 წლის 30 აგვისტო - 10 სექტემბერი;

დ) დეკანატებისა და აღიარების კომისიების მიერ შესაბამისი ინფორმაციის წარდგენა მობილობის ფარგლებში მობილობის წესით ჩარიცხვის ბრძანების პროექტის მოსამზადებლად - 2019 წლის 11 სექტემბერი,

ე) მობილობის ფარგლებში გადმოყვანის წესით ჩარიცხვის ბრძანების პროექტის მომზადება და წარდგენა მართვის სისტემაში - 2019 წლის 13 - 16 სექტემბერი.

მობილობის წესით გადმოსვლის მსურველთა მიერ წარმოსადგენი დოკუმენტების ნუსხა:

- ა) განცხადება (ივსება ადგილზე);
- ბ) სრული ზოგადი/უმაღლესი განათლების დამადასტურებელი დოკუმენტის ასლი;
- გ) პირადობის დამადასტურებელი მოწმობის/პასპორტის ასლი;
- დ) სამხედრო აღრიცხვაზე ყოფნის დამადასტურებელი დოკუმენტის ასლი (ვაჟებისთვის);
- ე) სტუდენტის სტატუსის განმსაზღვრელი ყველა სამართლებრივი აქტის (ჩარიცხვის ბრძანება, სტატუსის შეჩერება, აღდგენა და სხვ.) ასლი ან მისი ამონაწერი (უმაღლესი საგანმანათლებლო დაწესებულების მიერ დამოწმებული); მაგისტრანტებისათვის - ინფორმაცია საერთო სამაგისტრო გამოცდის ჩაბარებული ტესტის ტიპის შესახებ;
- ვ) სტუდენტის სასწავლო ბარათის ასლი ან მისი ამონაწერი (უმაღლესი საგანმანათლებლო დაწესებულების მიერ დამოწმებული);
- ზ) სახელმწიფო/სოციალური გრანტის მქონე სტუდენტებმა მართვის სისტემის მიერ გაცემული ცნობა გრანტის გადმოტანის შესაძლებლობის, ოდენობის (ლარში) და დაფინანსების პერიოდის მითითებით.
- თ) უცხო ქვეყანაში მიღებული განათლების (არსებობის შემთხვევაში) სსიპ - განათლების ხარისხის განვითარების ეროვნულ ცენტრის მიერ აღიარების დამადასტურებელი დოკუმენტი.